



Nuuk 3. marts 2015

Inatsisartut suleriaasianni § 37 naapertorlugu apeqquaqatit imaattut naalakkersuisunut ingerlatippakka.

- 1) Puisit amii pillugit Europami paasititsiniaaneq INUIT-SILA-mit KNAPK-mit allaniillu ingerlanneqartumit suliaasoq aningaasaqarnermut inatsimmit ukiuni kingullerni aningaasalerneqartarpoq. Maanna 2016-mit aningaasaliissutit taakkua peerneqarnialerput. Naalakkersuisut puisit amii pillugit paasititsiniaaneq qanoq nanginniarpaat?
- 2) Naalakkersuisut INUIT-SILA-p sunniutaa qanoq nalilerpaat?
- 3) EU-p puisit amiinik eqqusseqqusiunnaarneranut atatillugu naggueqatigiit Inuit piniagaannit ammit eqqunneqarsinnaanerit maanna EU-p sukateriffigeqqinnialerpaat. Tassunga atatillugu tusarniaanermi martsip 4-ni killeqartumi Naalakkersuisut qanoq iliuuseqarpat?
- 4) EU-p sukateriqqinnialerpera qanoq kinguneqarnissaa Naalakkersuisunit qanoq nalilerneqarpat?
- 5) Taamatut inatsimmik sukaterinermi Great Greenland-p aningaasaqarneranut qanoq kinguneqassanersoq naalakkersuisut nalilerpaat?
- 6) Great Greenland A/S ukiuni tulliuuttuni suleriaasissaminik periusissiorpa? Periusissiorsimappat qanoq taanna isikkoqarpat?

Tungavilersuut:

Maannakkut EU pilersaaruserpoq puisit amiinik EU-mut eqqusseqqusinnginnermit naggueqatigiit Inuit pineqannginnissaannik aalajangersagaq sukaterniarlugu. Tamannalu nalilerneqarpoq puisit amiinik tunisinermut tuniniaanermullu periarfissanut aningaasarsionnissamut kinguneqassasoq. Tamannalu kinguneqaratarsinnaavoq puisinniarnep inuussutissarsiutitut ingerlanneqarunnaarsinnaaneramik, tusarniaanermimi aallaavigineqarmat siunissami puisit taamaallaat nammineq atugassatut pisarineqartassasut, tunisassiaajunnaarnissaallu anguniagaalluni.

Tamannalu tungaveqarpoq namminneq naliliinermi oqarmata: "Inuiaqatigiit Inuit allallu nunat inoqqaavisa piniarnermini sukkasuumik qularnaatsumillu toqutseriaaseqanngimmata"(...)

Nunatsinni puisinniariaaseq pillugu tamatta isumaqatigiissutigaarput nungusaataanngitsumik ingerlanneqarmat toqutseriaaserporlu uumasunik naalliutitsinerunngimmata, eqqumiigivara Naalakkersuisut uani suliami saqqumilaarnerusimannngimmata kiisalu politikkikkut puisinniarluni inuussutissarsiutip illersornissaa, uaniami pisumi puisinik inuussutissarsiuteqarneq navianartorsiortinneqarmat. Naalakkersuisut siuttuusariaqarput EU-mi sunniiniansarissallutik uani sukaterinermi piniartortatta eqqorneqannginnissaat anguniarlugu.

Apeqqutit ullut suliffiusut qulit qaangiutsinnagit akeqquneqarput.